

**Uunga siunnersuut: Imigassat ilaannut Kalaallit Nunaanni sananeqarsimasunut
akitsuutit pillugit Inatsisartut inatsisaata allanngortinneqarnissaa pillugu Inatsisartut
inatsisaat**

*Aningaasaqarnermut Nunanilu Avannarlerni suleqatigiinnermut Naalakkersuisumit
saqqummiunneqartoq*

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq
 Inatsisartunut ilaasortaq Peter Olsen, Inuit Ataqatigiit, siulittaasup tullia
 Inatsisartunut ilaasortaq Karl Kristian Kruse, Siumut
 Inatsisartunut ilaasortaq Henrik Fleischer, Siumut
 Inatsisartunut ilaasortaq Múte Bourup Egede, Inuit Ataqatigiit
 Inatsisartunut ilaasortaq Jens NapātōK', Partii Naleraq
 Inatsisartunut ilaasortaq Randi V. Evaldsen, Demokraatit

UPA 19-imni siullermeerinninnerup kingorna ataatsimiititaliap siunnersuut misissorpa.

Siunnersuutip imarisaa siunertaalu

Inatsimmi aalajangersakkanik unioqqutitsinerit suulluunniit unioqqutitseriaraluunarnerilluunniit akiliisitsinermik pineqaatisissutaasinnaanerannik erseqqissaanissaq siunnersuuteqarnermi siunertaavoq. Erseqqissaanerup siunertaraa inatsimmi § 1 naapertorlugu akitsuutinik akiliinngivinnerup imaluunniit ilaannakortumik akiliinerup pinerlunneruneranik erseqqissanissaq. Pinerlunneruneranut atatillugu imigassanik ethanolilinnik inuussutissarsiornikkut imaluunniit nammineq immiorneq apeqqutaanngilaq. Ilanngullugu siunnersuutigineqarpoq imigassat Kalaallit Nunaanni immiugarineqarsimasut akitsuutaannik inatsit malillugu akilerneqarsimasussaagaluananik akitsuuserneqarsimannngitsunilli tunniussisoq, pissarsisoq, paarsisoq, atuisoq, assartuisoq imaluunniit pisooq akiliisitaanermik pineqaatisinneqarsinnaasoq inatsimmi erseqqissarneqassasoq.

Siunnersuutip Inatsisartunit siullermeerneqarnera

Siunnersuut siullermeerneqarami tapersorsorneqarluarpooq.

Tusarniaanermut akissutit

Siunnersuut piffissami 2018-imi 24. oktoberimut 28. novembarimut tusarniaassutigineqarsimasoq Naalakkersuisut paasissutissiissutigaat. Tusarniaanermut akissutit tiguneqartut siunnersuummut nassuaatini nassuaatigineqarput. Tusarniaasimaneq ataatsimiititaliami annertunerusumik oqaaseqaatissaqarfingineqanngilaq.

Ataatsimiititaliap siunnersummik suliarinninnera

Inatsit malillugu akiliisitsissutit Nunatta Karsianut suli iluaqtissanngortinnejassasut siullermeerrinnermut atatillugu erseqqissaatigineqarpoq. Tamanna inatsimmi atuuttumi § 19, imm. 4-mi, inatsisissatut siunnersuutikkut matumuuna allangortinneqanngitsumi allassimavooq.

2007-imi inatsimmut allannguummi § 1 a inatsimmut ilanngunneqarmat ataatsimiititaliamit oqaatigineqassaaq:

”§ 1 a. Mineralvandinik, sodavandinik, limonadenik allanillu kulsyremik akoqartunik, ethanolimik akoqanngitsunik imeruersaatinik aningaasarsiutigalugu nunami maani sananermi akitsummik akiliineqartassaaq literimut [...] 3 kr. 50 øre”.

Inatsimmut allannguutissatut siunnersuutip saqqummiunneqartup maanna ilusiligaanera malillugu § 1 a pineqaatissiisarnermut aalajangersakkanut ilaatinneqassanngilaq, naak § 1 (aamma 2) ilaatinneqaraluartut. Tamanna naapertuunnersoq aappassaaneerinninnissamut nalileqqullugu Naalakkersuisut ataatsimiititaliamit qinnuigineqarput, taamaattoqarsimassanngippat allannguutissatut siunnersummik saqqummiussisoqarsinnaaqquullugu.

Kiisalu ”imaluunniit unioqqutseriaraluartoq” inatsimmi § 19, imm. 1, nr. 2-mi ilanngunneqartoq ataatsimiititaliamit maluginiarneqarpoq. Ataatsimiititaliap paasinninnera malillugu ”unioqqutseriaralarneq”, unioqqutseriaralarneq pillugu Kalaallit Nunaanni pinerluttulerinermik inatsimmi aalajangersakkani ilaareersoq. Taamaattumillu § 1 a-p siuliani taaneqartup nassatarisaanik allannguutissatut siunnersuuteqarsinnaanermi oqaasertaliunneqarsimasut ”imaluunniit unioqqutseriaraluartoq” peerneqarnissaat isumaliutigineqarsinnaavoq.

Kiisalu angerlarsimaffinni imigassanik aalakoornartortalinnik unioqqutitsilluni imigassaliortarnermi akitsutinik akiliuteqannginnerup, imagassaq pillugu inatsimmi angerlarsimaffinni imigassanik aalakoornartortalinnik imigassaliortarnissamik inerteqquteqarnermut tapiliullugu, inatsimmik unioqqutitsinertut pineqaatissiissutaasarnerata

erseqqissarnissaa siunnersummi siunertaasoq ataatsimiititaliamit maluginiarneqarpoq. Tamatuma kinguneranik imigassanik aalakoornartortalinnik angerlarsimaffimini unioqqutitsilluni imigassaliortoq, unioqqutitsilluni angerlarsimaffimini imigassaliaminut akitsummik akiliinngikkuni akiliisineqarsinnaavoq. Inatsisitigut taama inissisimaneq pineqartup paasisoortinnermik kinguneqarsinnaasumik tunniussinissaanik Europami inuit pisinnaatitaaffii pillugit isumaqatigiissummi inerteqqummut akerliunngitsoq Naalakkersuisunit nalilerneqarsimassasoq ataatsimiititaliamit ilimagineqartariaqarpoq.

Siunnersuutip aningaasaqarnikkut kingunerisassai

Suliassaqarfimmi periutsit atuuttut erseqqissarneqarnerat taamaallaat pineqarmat siunnersuut aningaasaqarnikkut allaffissornikullu kinguneqassanngitsoq Naalakkersuisut paasissutissiissutigaat. Tamanna pillugu ataatsimiititaliaq annertunerusumik oqaaseqaatissaqanngilaq.

Ataatsimiititaliap inassuteqaatai

Siunnersuut **akuerineqassasoq** ataatsimiititaliap **isumaqatigiittup** inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Hermann Berthelsen
siulittaasoq

Peter Olsen
siulittaasup tullia

Karl-Kristian Kruse

Henrik Fleischer

Múte Bourup Egede

Randi Verstergaard
Evaldsen

Jens Napaattoq